

Na osnovu člana 15. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“ br: 49/06 i 51/09), člana 119. Statuta Općine Cazin („Službene novine Općine Cazin“, broj: 13/10), člana 10. i člana 25. Statutarne Odluke („Službene novine Grada Cazina“, broj: 1/17), a u vezi člana 15. Odluke o organizaciji i djelokrugu rada Jedinog Gradskog organa uprave Grada Cazina („Službene novine Grada Cazina“, broj: 1/17), te na osnovu Pravilnika o kriterijima, načinu i postupku raspodjele sredstava iz Budžeta Grada Cazina u svrhu pokretanja novih biznisa, Služba za privredu Grada Cazina raspisuje:

**JAVNI POZIV
ZA FINANSIRANJE POKRETANJA NOVIH BIZNISA U GRADU CAZIN**

Pravo na dodjelu sredstava iz ovog projekta imaju slijedeće osobe:

- koji imaju poslovne ideje i žele započeti posao u Cazinu;
- koji u trenutku objave javnog poziva nemaju registriranu vlastitu djelatnost;
- koji su sa prebivalištem na području grada;

Aplikanti/ce podnose prijavu Komisiji za odabir biznisa u sklopu projekta „finansiranje pokretanja novih biznisa“.

Prijava treba sadržavati:

- popunjen poslovni plan;
- biografiju;
- kopiju lične karte;
- kopiju prijave o prebivalištu;
- izjavu da aplikant/ica nema registriranu vlastitu djelatnost;

Aplikant/ica može aplicirati samo jedan poslovni plan.

Informacije o objavljenom javnom pozivu i obrasci za podnošenje prijave za finansiranje biznisa biće objavljene na web-stranici Grada i dostupni u Službi za privredu.

Prijave s dokumentacijom podnose se lično na Protokol Grada Cazina (šalter br. 1) ili putem pošte na slijedeću adresu:

Grad Cazin

**Trg Prvog predsjednika Predsjedništva RBiH Alije Izetbegovića bb,
77220 Cazin**

sa naznakom:

„NE OTVARATI“ - Prijava za finansiranje pokretanja novih biznisa u Gradu Cazin“.

Javni poziv za raspodjelu sredstava traje 10 dana od dana objavljivanja na službenoj web-stranici Grada Cazina.

Prijave se mogu dostaviti najkasnije do 28.10.2019.godine do 15.30h.

Prijave pristigle nakon predviđenog roka, prijave sa nepotpunom dokumentacijom, podnesene na neodgovarajućem obrascu ili za namjene suprotne ovom pozivu, kao i prijave dostavljene putem faksa ili e-mail i nepotpisane prijave, neće se razmatrati. Nepotpuni konkursni materijali se neće ocjenjivati/bodovati.

Pozivna dokumentacija se ne vraća. Odabir i prijedlog finansiranja biznisa provodi Komisija imenovana od strane Gradonačelnika.

Kriteriji za ocjenu kvalitete poslovnog plana definisani su Pravilnikom o kriterijima, načinu i postupku raspodjele sredstava iz Budžeta Grada Cazina u svrhu pokretanja novih biznisa, koji je dostupan na zvaničnoj web stranici Grada Cazina.

Aplikant/ica može tražiti ukupan iznos vrijednosti poslovnog plana ili dio nedostajućih sredstava, što je dužan naznačiti u zahtjevu, s tim da maksimalni iznos traženih sredstava može biti 4.000,00 KM.

Grad Cazin će za uspješno ocijenjene bisnis planove osigurati finansiranje ili sufinansiranje troškova računovodstvenih usluga i troškova zdravstvenog i penzionog osiguranja i osiguranja od nezaposlenosti u prvoj godini obavljanja djelatnosti. Aplikant/ica može koristiti tražena sredstva za sve naprijed navedene namjene ili samo neke od njih, što će naznačiti u svom poslovnom planu.

Odluku o raspodjeli sredstava, Gradonačelnik će objaviti na službenoj web-stranici i oglasnoj tabli Grada i dostaviti je putem Komisije u pisanom obliku svakom aplikantu/ici pojedinačno.

Služba za privredu Grada Cazina će tokom javnog poziva osigurati edukaciju za sve zainteresovane u pogledu popune obrasca prijave – poslovnog plana i odgovoriti na sva dodatna pitanja.

Detaljnije informacije o javnom pozivu mogu se dobiti na telefon broj 037/515-391 kontakt osobe Hajrlahović Enes, lično u Službi za privredu ili putem e-mail: privreda@gradcazin.gov.ba

Broj: 06-05-11651-2/19
Cazin, 18.10.2019.godine

SLUŽBA ZA PRIVREDU
GRADA CAZIN

